

重修東阿縣志序

志者何紀事也縣志者何紀一縣  
之事也大而方城建置職官賦役  
選舉人物政績藝文之類細而  
陵墓寺觀市衢魚鳥獸草  
木氣實叢譔之屬與不傳載

序

朝  
廷設官分職循名可以責實如知

縣必知一縣之事而後謂之知縣

猶知州須知一州之事知府須知

一方之事也若則水之已如入與

燈之宜暗中摸索其於法者為

真守然其事於志括之知其事



必於志攷之書甲申秋選授斯邑  
田賦若何學校若何地之肥與  
瘠風俗之淳與澆惴惴焉思無  
以知之也爰取邑乘細加翻閱  
起迺前明于文宣為殿講孟中  
丞為柱史時所纂也嗣康熙四

序

二

年乙巳續修于剏今沛先五年四  
年乙未再修於鄭令廷瑾迄今  
百有十年矣事歷四朝年逾百  
歲山川如故邠魯國之下城規制  
屢更不是東平之屬邑其間科  
目縉紳遺佚已久忠孝節義湮

汲更多以如哉官山門中脫數年竟  
至無業可稽脫今抱殘守缺更歷  
年所將採訪蒐羅不更窘於今日  
字書食俸于前士者幾及六載又  
河以告與慚於哉守爰捐俸金  
延原任鄒平令吳怡孟集法文

序

三

學士相與商確而編輯焉定去因  
之新者增之遺者補之缺者闕之  
凡有闕於風俗與裨於政治一  
纂入八閱期而告成始建置終藝  
文焉得廿四卷付諸梓裝璜成  
帙加倍前志其間耳目所限未

必屏無遺穢以俟後之留心色業  
者得所標榜而更加醇備以之規  
美于益二公也則幸甚

寄

道先九年歲次己丑十月穀旦  
進士出身即用州調任曾縣何

序

署東阿縣事嵩陽李賢書謹序



舊志李序

乙未冬

欽假南旋舟次安平東阿令鄭子承懷晉謁攜其續修  
邑志問序於余余謂今之爲吏者多矣大都簿書期會  
希合上指已耳疇肯留心文獻爲繼往開來之舉乎鄭  
子可謂達於治體矣蓋志者識也天時之理則書地利  
之宜則書人事之盡則書是故大而方域建置職官賦  
役選舉人物政紀藝文之類細而陵墓寺觀市衢蟲魚  
鳥獸草木花實叢談之屬無不燦然畢具君子讀之可  
以有益於修身可以有益於治人可以有益於治天下

東阿縣志

李序

國家志之所係重矣哉且是阿邑志也者自有明于孟  
二公纂修後綱舉目張闕博雅暢有非他邑志所可比  
者鄭子取而復明之豈不大有功於前烈乎鄭子與余  
姻聯里閭居鄉恂恂君子也今觀其爲政重文學先教  
化知其無不勞心於撫字可謂達于治體矣異日者報  
最

朝廷卽以是供

國史之採錄也可

賜進士第光祿大夫

文淵閣大學士兼吏部尚書加四級安溪李光地撰

舊志鄭序

國有史邑有乘非徒紀事編年而已蓋將示勸懲于來世也東阿志自明宏治庚申修後至萬歷壬午重修始方域終藝文分十二卷允稱勝國信史我朝受命文教誕敷

今上御極之四年劉令沛先慨然取邑志而重修之時相與校讐者進士李居易一人今五十年來山川之氣運重開人文之英華蔚起成進士者則有張君心友秦君紫寬魏君鄴亭他若舉于鄉者拔茅連茹彬彬濟濟又皆莫可量矣際斯時也倘邑乘不修文獻無徵後之

東阿縣志

鄭序

人雖有作史之才其孰從而求之余方興念及此適郡憲金公檄行修志于是乃集邑之文學士而告之曰古稱良史首推班馬今觀邑乘舊本若于若孟奚多讓焉諸君子幸生二史之後宜追昔日之芳踪毋徒騁乎詞華毋專執乎意見舊者仍之新者採之遺者續之疑者闕之使前之修志者有傳而後之修志者有稽雖未免不醇不備之憾要必存矢公矢慎之心知我罪我聽之而已惟時諸君子唯唯咸不誣乎余言因捐俸續梓而爲之序康熙五十四年歲在乙未菊月穀旦東阿縣知縣加二級清溪鄭廷璽謹序

舊志楊序

與城之有圖志古也唐虞幅員禹貢可考周官大司徒掌天下土地之圖以周知廣輪之數而臧方氏所載復加詳焉秦漢以降志地里紀方輿者無慮數百家卷冊浩穰得此失彼雖不能無議要皆文獻所徵不可廢也仰惟我先朝命儒臣纂集大明一統志藏之秘府頒之學宮采錄精當古之所謂圖志者莫之或尚顧禹跡所窮萬邦錯峙事極鴻纖非國志所能盡載舉凡撮要君子慮其有遺善焉此郡邑志所以不可無作也十室之邑苟得佳志非惟可垂一方鑒戒他日總制作之柄者

東阿縣志

楊序

舍是將何所據依乎秦君民望作令克之東阿越二年百廢俱舉吏民懷服嘗取邑志闕之歲久散逸無所得歎曰是鄒魯比邑而文獻泯弗傳可乎乃下令蒐訪期修復之吏部驗封郎中劉君博之邑人也聞而出所藏舊志緘寄君君喜得如重寶顧其所輯錄不皆當乎人心加之金根魯魚之誤特甚君於是闕局庀物延文學士供纂集得邑人教諭董梁舉人張冕邑庠生許汝聰蘇則曾侯爵輩任其事而君政事之餘躬讐校之乃因舊志存其可紀者而芟其冗瑣不足錄者又稽合郡書兼採輿論備所未備釐爲六卷卷首有圖爲自四十有

一曰有引各附其下越五月告成而百餘年闕典至是完矣既繕寫成帙遂謀諸同官入梓以傳寓書京師屬予序慨自簿書刀筆之流爲郡縣而詩書風化之迹微矣彼豈知圖籍爲先王所重政教所關第謂上司督責之所不及也廢不加修闕不知補甚則併其存者而毀滅之其能究心文獻而圖其不泯者寡矣間有之又患於不知要聞文粗跡泛然收之小得大遺於政治名教無所裨益是尚能無有爲也乎故今圖志盈几案而知言者病其蕪穢往往視爲長物而不屑觀者凡以此也是志搜羅採剔殆無餘蘊詳不冗複簡不脫畧正合古

人遺法可傳而信若是則何病於志哉君山西蒲州人予提學時所造士舉丙辰進士授今官其志厲名檢其政先撫字皆當務之急卽是以占其所建立當無不得其要者矣明宏治庚申夏六月六日賜進士中憲大夫太常寺少卿石琮楊一清序

舊志金序

按劉向說苑齊君使尹子奇治阿子奇裁童子耳其之阿也所與其載者皆白首也使者還告齊君曰夫以老者之智以少者決之子奇必能治阿矣而阿果治迨至今日故山左之雄區也予自康熙癸巳出守斯邦比歲數數取道於阿見夫羣峰環抱眾派遶流隸斯土而生其間者古蹟偉人選選不乏吾知阿乘必大有可觀者矣甲午予有纂輯郡乘之舉檄取州邑新舊志書以資蒐羅考訂且甚有望于州邑同事諸君子之各修志書合力襄助以成斯舉志願專意甚亟也明年而阿令鄭

東阿縣志

金序

君以續修者進且徵予一言予惟阿志自明于文定孟中丞二公輯後至康熙初年劉令沛先繼之今五十載矣鄭君與阿之賢達輩重爲增修而雕之棗則五十載內故者宜仍新者當採以至補其所遺而闕其所疑不亦可無餘憾也乎予披覽三復若前之所見爲羣峰環抱者則曰少岱曰黃山報派遶流者則曰孤子嶺曰大清河而且有三歸臺掛劍臺阿城挑城之歷歷古蹟而且有魏之程昱晉之魏浚宋之王遷之濟濟偉人自一輯再輯以至今之三輯而阿乘果大有可觀已夫志者史也古之史官成一代之書未有不藉夫國之耆舊鄉

之賢人互相發明參訂而始足以垂不朽子孟二公之志是也鄭君孝廉名宿其治阿也吾固知其遠追昔日之子奇而卽此一志益可信其能用老者之智而出則自首共載也予爲阿志幸而不揣無文聊用一言以爲之序昔東歷五十六年歲序丁酉孟冬中憲大夫知山東兗州府事加三級紀錄十五次前戶部陝西清吏司郎中山陰金一鳳紫庭甫撰

東阿縣志

序

二

舊志賈序

志史例也史家體裁各異而郡邑之志因之故志亦史也編年紀事者本春秋及宋司馬氏其名爲表志紀傳者準馬遷班固書期於文直事核信今傳後成一國一邑之事而已東阿故有志不詳其所由始宏治間重修於秦令昂楊文襄公有序迄今八十年餘中間故實脫畧篇章殘缺覽者病焉黎陽朱君德載以進士高等來宰阿才猷敏茂多奇樹歷三載政成民懷百廢俱興暇中覽邑乘嘆曰阿固兩都通津山左雄區也其疆域陵谷往躡遺文散見於史傳及學士大夫談說間要不渺東阿縣志


賈序

矣而舊乘所載寥寥若此千百年文獻缺然紀述曷稱觀視哉會邑人太史于君可遠柱史孟君祠孔方家居具良史才朱君就謀之迺以編摩托二君而躬率諸文學士爲纂集其事越三月而志告成始方域終藝文凡十二卷將梓以傳于君於余爲同年友而志馳書山中屬余序諸簡端余受而讀之見其四表八志一取裁於馬遷而紀事叢議出折衷於左氏馳騁古今包羅圖史吏治民隱一篇之中三致意焉閎博雅暢哀然成一邑全書視舊所輯錄不啻加千百矣嘻實在暗室漫然求之百不得一及懸青藜耀白日燦然具陳此詳畧之辨

也阿非鄙小縣舊乘脫漏求者遺之爾乃若于孟二君  
負大節探奇崑蓋才鴻三江志吞五嶽矣時時躡屨鄒  
嶧之巔訪秦人故碑弭節少邨之都賦魯靈光殿東孔  
庭俎豆由口觀蓬萊而東之觀秦皇漢武登封駕海之  
轍跡則見環河諸山蜿蜒起伏氣脈隱隱自東岱來而  
境內所有汝濟馬頰諸河入海故道明如拍掌西則漕  
渠橫帶萬艘鱗次東望城邑雲物蒸蒸然靈氣所鍾宜  
多瑰璋碩大之產無論古昔高人騷客比肩繼踵至今  
談經守禮之士彬彬比壤於鄒魯得遺風焉游目寓足  
曠然大觀故所敘述事廣而文典詞實而理盡殫見洽

聞多有得於墳典子集之外者昔馬遷氏南遊江淮北  
涉汝泗請業齊魯鄉射鄒嶧足跡徧寓內而後所著史  
記一書矯然爲千古史規蓋所得於游歷者多也以今  
揆昔卽二君何殊耶且此邑乘也者將以垂勸戒定權  
衡也而古今所稱採激揚褒貶之柄者臺諫史官焉柱  
史君翔翔舊都涉六朝遺踪冠華貂珥白簡侃侃論天  
下事忠言讜議流耀史冊太史君秋在承明金馬著作  
之庭拙毫振藻纂一代丹雘而藏之金匱石室將與天  
地始終顧此邑乘又其緒餘爾古稱三不朽請立德立  
功立言于孟二君大雅宏達勒成邑史爲千百年之信

書朱侯以惠政得民有功德於茲土而雅意邑乘皆不  
朽事也余固不辭而樂爲之序明萬曆壬午歲六月十  
浣之吉賜進士出身亞中大夫光祿寺卿前翰林院庶  
吉士侍經筵戶科都給事中嶧陽賈三近撰



舊志陸叙

邑之有志自周外史氏始也若內史氏則紀王之事矣王之事而紀也在天下者異乎哉故古者生子問史書之聞者二十五家之謂也二十五家且有史而况大於是者乎然則東阿一邑之誌不可以弗備矣阿名邑也山有雲壑虎窟六工四峪之秀水有瓠子狼溪東流淇範之奇人物有于宗伯孟中丞諸公應山川清淑之氣數十年來風景如昔而人文湮鬱名臣烈士聲光寥闊雖曰世殊抑亦興起者無資歟

閭中棠溪劉公來理是邦而嘆之曰是余之責也夫公東阿縣志  
陸序  
自庚子抵乙巳六易臘矣明月在窗厭其幽冷而油然以赤日投人俾民澆者淳困者甦絃誦之士復見山高而水清獨於明季之末

與朝之始軼事未一紀焉其可以謝不遑歟於是捐貲鳩工補綴已殘增以新聞俾嵩友李君校讐之而命陸子敘其事陸子曰惟古良牧之志考諸今可見矣夫不習爲吏觀已成事古之訓也今有司惟簿書期會是急以求合上指而文獻所在卽成書且堯者置之何則刺繡文不若倚市門故耳公之有事於斯也豈惟文章抑以明天道則思所以觀變而順時察機維則思所以導

利而布下盡人物之情則思所以權盈詘之宜而酌緩  
急之節使前之爲令者有可傳後之爲令者有可法邑  
士皆得沐先正之餘韻而歆其椒蘭是准古人修史之  
意若其弄筆墨以騁博雅已乎則玉卮無當弗適於用  
余可不執筆而颺其後矣昔康熙四年仲冬旣望  
賜進士第候選推官東平陸叢桂冲默甫敬書



舊志秦跋

邑侯鄭公蒞阿之二年政治人和公餘無事披覽邑乘  
蓋于內史孟臺史兩前輩手定頗詳迨棠溪劉公增訂  
後垂五十年其間懿蹟美行闕焉未載不禁喟然有感  
曰志之所係重矣哉上備形管之採訪則 國書也下  
昭來葉之炯鑑則信史也脫今不修更歷年所文獻無  
徵詎非憾事爰捐俸金蒐羅軼事裝潢成書凡有關於  
風化有補於政治者一一續入譬諸剖玉荆山俾無匿  
采探珠囉淵期無遺光閱數月告成余取而讀之見其  
記載適宜品隲咸當深服公之才識學問誠有大過乎  
之功吾誰與歸哉因次其始末而爲之跋

賜進士出身前候補內閣中書舍人收授教習館邑人  
秦奕詵謹跋

東阿縣志

秦跋

舊志劉跋

余蒞阿讀邑乘舊本迺明于志為殿講孟中丞為柱  
史時所纂也海內目為信史真公洛陽紙貴迄今百有  
餘歲其原板毀於兵燹而四表志缺畧亦已多矣  
洪惟我

朝定鼎因革損益視昔加詳而臣乘不備安所著  
昭代之鴻模乎余於政暇同諸學士補輯其缺失暨  
校其彖亥翻覆訂正務求詳明闕亦竊附已意前則做  
乎二史今則遵乎

同文雖其間耳目所限或未盡悉是所望於後之有史  
東阿縣志

劉跋

才者致意焉因捐俸重梓以廣其傳余得附驥而顯心  
茲幸其康熙四年歲次乙巳重陽前一日東阿縣知縣  
加五教奉後劉佈先謹跋